

Inicijative i Zaključci OV u 2022. godini

12 sjednica od 31.01. 2022

Inicijative

1. Salih Memić.

Tražim da se pomogne poljoprivrednim proizvođačima u narednom sjetvenom periodu zbog velikog poskupljenja repromaterijala za sjetvu. **Realizovano.**

2. Malik Rizvanović.

Tražimo da se izvrši sanacija mosta na ulazu u MZ Kadarići. **U toku je realizacija.**

3. Sahudina Beganović.

Da nadležna općinska Služba dostavi potrebnu dokumentaciju prema Ministarstvu za boračka pitanja ZDK-a za dovršetak izgradnje šehidskog spomen obilježja u selu Dragovići MZ Dragovići-Mijakovići. **U toku realizacije.**

4. Nurdin Begović.

Uspostavljanje i održavanje rasvjete te redovan odvoz smeća u naselju Rajčevac. **Realizovano.**

5. Dario Dodik.

Da se utvrdi lista stanova i drugih nekretnina za stanovanje koje su u vlasništvu Općine Vareš, a koje se mogu ponuditi u prodaju zainteresiranim građanima, te da se ista javno objavi kako bi isti mogli iskazati interesovanje nakon čega bi se pokrenula procedura javne prodaje.

Realizovano

6. Edib Zubača.

Da nadležna služba Općine Vareš razmotre postoji li mogućnost da se komunalne takse svim privrednim subjektima umanje zbog trenutne situacije sa Covid 19, kao što je učinjeno u susjednim općinama. **Realizovano**

13. sjednica od 28.02.2022

Inicijative

1. Nurdin Begović.

Inicijativa za omogućavanje mladima (kroz finansiranje ili sufinansiranje od strane Općine) da uče i steknu potrebne certifikate o poznavanju stranih jezika. **U toku realizacije.**

2. Asmir Čizmo.

Inicijativu za poboljšanje uslova i proširenje kapaciteta JPU Dječije obdanište Vareš uz Zaključak kojim bi se obavezao Općinski načelnik i općinske službe da u saradnji sa menadžmentom JPU Dječije obdanište u narednih 30 dana od dana usvajanja ove inicijative

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



sačine pregled urgentnih infrastrukturnih potreba ove ustanove, te da u skladu sa usvojenim Budžetom za tekuću godinu izdvoje potrebna sredstva koja su neophodna za izvođenje infrastrukturnih radova i to prije raspisivanja konkursa za prijem nove djece. **U toku realizacije.**

Zaključci

1. Zaključak kojim bi se Služba za prostorno uređenje obavezala da pristupi izradi i planiranju prostora za parking mjesto (mali park ul. Put mira), s obzirom da je u postupku usvajanje Prostornog plana i izrada drugih planskih dokumenata. **U toku realizacije.**

2. Zaključak kojim bi se zadužila Služba za prostorno uređenje da izradi listu nekretnina za stanovanje koje su pogodne za dalju prodaju (uključujući one koje su slobodne i one za koje ne postoje zaključeni ugovori o korištenju). **Realizovano**

14. sjednica od 30.03.2022

Inicijative

1. Šaban Ibrišimović

O pokretanju procedure izrade projektne dokumentacije za dionice rc 444a od Luka do Pod Ratanj u dužini od 4,5 km. **U toku realizacije.**

Zaključci

1. PRIHVATA SE neopoziva ostavka HRVAT ADISA na poziciju predsjednika Upravnog odbora JU Dom Zdravlja Vareš, koja je podnesena 28.03.2022. godine.

Zadužuje se ovlašteni predlagač-Općinski načelnik da za slijedeću sjednicu Općinskog vijeća Vareš, pripremi prijedlog Rješenja o razrješenju imenovanog.

Ovaj Zaključak stupa na snagu danom donošenja. **Realizovano.**

2. Zadužuje se Komisija za izbor u regulirane organe da pokrene i završi postupak-proceduru izbora i imenovanja predsjednika i članova Skupština Javih preduzeća čiji je osnivač Općina Vareš i to:

- Skupština JKP d.o.o. Vareš
- Skupština JP „Vareš-stan“ d.o.o. Vareš
- Skupština JP „Veterinarska stanica“ d.o.o. Vareš.

Postupak i proceduru Komisija će provesti u skladu sa Zakonskim propisima i u skladu sa Odlukom o utvrđivanju standarda i kriterija za konačna imenovanja na pozicije u regulirane organe do 15.05.2022. godine.

Ovaj Zaključak stupa na snagu danom donošenja. **Realizovano.**

3. MZ Borovica Zahtjev

Zadužuje se Služba za prostorno uređenje da za 15. sjednicu OV pripremi Odluku o zabranama korištenja prikolica i ograničenju tereta na svim lokalnim putevima na području općine Vareš. **U toku realizacije.**

4. Zadužuje se Općinski načelnik i nadležne službe da u saradnji sa menadžmentom JPU Dječije obdanište Vareš, u narednih 30 dana, sačine pregled urgentnih infrastrukturnih potreba ove ustanove, te da se u skladu sa usvojenim Budžetom za tekuću godinu izdvoje

potrebna sredstva koja su neophodna za izvođenje infrastrukturnih radova i to prije raspisivanja konkursa za prijem nove djece.

Zadužuje se Općinski načelnik i nadležne službe da u saradnji sa višim nivoima vlasti, potencijalnim investitorima ili finansijerima nadomjeste eventualne nedostatke sredstava za navedene potrebe, te da nas na narednoj sjednici OV izvijeste o urađenom. **U toku realizacije.**

5. Da se utvrdi stanje asfaltiranih ulica i javnih površina u gradskoj zoni, kao i broj udarnih rupa, potrebna sredstva za sanaciju istih, te da se odredi što skoriji rok za početak sanacije. **U toku realizacije.**

15. sjednica od 26.04.2022

Inicijativa

1. Salih Memić

Za ugradnju odvodnih kanalisa na putu u podružnici Luke, MZ Dabravine. **U toku realizacije.**

Zaključci

1. Zadužuje se Kolegij OV da na svojoj slijedećoj sjednici zakaže tačan termin održavanja vanredne sjednice, gdje će biti definisano ko će od aktera biti pozvan na tu sjednicu, a tematika će isključivo biti Vareš-*stan*, ali bez prenosa u javnost. **U toku realizacije.**

2. Da Centar za kulturu i edukaciju Vareš pristupi realizaciji Plana i Programa upravljanja Srednjovjekovnog kraljevskog grada Bobovca. **Realizovano.**

3. Zadužuje se načelnik i Službe da organizuju prezentaciju na temu utopljanja (toplotna energija-sistem grijanja), a sve u cilju kako bi se eventualno krenulo u realizaciju projekta. **U toku realizacije.**

4. Vijeće daje saglasnost Općinskom načelniku da uđe u pregovore sa Evropskom bankom vezano za eventualnu saradnju. **Realizovano.**

16. sjednica od 30.05.2022

Inicijativa

1. Salih Memić

Koja se odnosi na uklanjanje stabala jablana pored regionalnog puta u Dabravinama. **Ralizovano.**

Zaključci

1. Općinsko vijeće traži od JP „ŠPD – ZDK“ d.o.o. Zavidovići da hitno pristupi sanaciji puta Duboštica-Pogar, općina Vareš, te da ubuduće prilikom izvođenja radova vodi računa da se ne

pravi šteta na lokalnim putevima, a ukoliko se napravi, da se hitno sanira (da put zbog sigurnosne situacije mora biti prohodan u svakom momentu za sva vozila tj. 24 sata) te da se striktno moraju pridržavati projekta o izvođenju radova, inače ćemo mi kao Općinsko vijeće biti prinuđeni da izvršimo prijavu davaocu FSC certifikata.

-Da ubuduće prilikom ulaska u odjele na teritoriji općine Vareš, JP „ŠPD – ZDK“ d.o.o. Zavidovići obavezno obavijesti Općinu Vareš, nakon čega je Općina dužna obavijestiti Mjesnu zajednicu na čijem području će se izvoditi radovi. Nakon naprijed navedenih radnji formirat će se Komisija čiji će zadatak biti da napravi Protokol (Zapisnik) o trenutnom stanju (stanje na dan sačinjavanja Protokola), a u slučaju nastalih oštećenja sanacija mora biti izvršena u što kraćem roku i dovesti se u stanje koje je zatečeno prije izvođenja radova. **U toku realizacije.**

2. Zadužuje se Komunalni inspektor da na vidno mjesto istakne signalizaciju objekta-porodične kuće u ulici Nikovac u Varešu, u zemljištu označenu kao k.č.br.534 K.O. Vareš-vlasništvo Brković Maja 1/1. Objekat predstavlja potencijalnu opasnost za sigurnost okolnih objekata, komunalne infrastrukture, te sigurnost i zdravlje ljudi.

-Zadužuje se Služba za prostorno uređenje da stupi u kontakt sa vlasnicima, na osnovu izlaganja Općinskog načelnika i da o istom obavijesti OV (do slijedeće sjednice) kako bi se znao daljnji tok postupanja. **Realizovano.**

17. sjednica od 30.06.2022

Inicijative

1. Asmir Čizmo

Vezana je za Inicijativu gosp. Daria Dodik i na vijećničko pitanje gosp. Amele Brkić. Imamo Inicijativu da to bude parking mjesto, a vijećničko pitanje se odnosi na sanaciju postojećeg parkića za djecu. Moja Inicijativa ide u tom pravcu da to bude dječji parkić (za djecu mlađeg uzrasta), koja mu je i prvobitna namjena. **U toku realizacije.**

2. Salih Memić

Odnosi se na saniranje lokalnog puta na dionici Luke-Kadarići kao i saniranje puta unutar MZ Kadarići. Pored navedenog, u sklopu Inicijative tražim da se kroz naseljeno mjesto izvrši sanacija puta. **U toku realizacije.**

3. Mahira Brkić

Za izgradnju svjetlosne saobraćajne signalizacije (semafora) u ulici Zvijezda. **U toku realizacije.**

4. Amela Brkić

Za omogućavanje i organizacija povremenih posjeta specijaliste logopeda na području općine Vareš, sukladno zakonu i predviđenim zakonskim i zdravstvenim propisima i mjerama, kontrolirano od strane institucija koje su eventualno nadležne za organiziranje svih neophodnih potrebnih radnji za neometan rad specijaliste. **U toku realizacije.**

Zaključci

1. Općinsko vijeće Vareš u potpunosti podržava Zahtjev JU Dom zdravlja Vareš za kupovinu kombi vozila za prevoz pacijenata od Vareša i Breze do Kantonalne bolnice Zenica i nazad, broj: 01-20-1037/22 od 21.06.2022. godine.

Općinsko vijeće Vareš sugeriše Zavodu zdravstvenog osiguranja Zeničko-dobojskog kantona da u okviru svojih mogućnosti realizuje predmetni Zahtjev.
Ovaj Zaključak stupa na snagu danom donošenja. **Realizovano.**

2. Zadužuju se predsjednici mjesnih zajednica koji nemaju otvoren žiro račun, da u roku od mjesec dana isti otvore. **Realizovano.**

3. Zadužuje se Služba za opću upravu, društvene djelatnosti i BiZ da ubuduće prije slijedećeg Izvještajnog perioda o radu Savjeta MZ, u saradnji sa Službom za privredu, finansije i trezor izradi urneke Izvještaja (taksativno odvajanje rashoda po kontima i podkontima) i isti dostavi svakoj mjesnoj zajednici i da se isključivo moraju pridržavati tog urneka prilikom izvještavanja. **Realizovano.**

4. Da Služba za opću upravu, društvene djelatnosti i BiZ ubuduće prilikom izrade i dostavljanja Izvještaja o radu Savjeta mjesnih zajednica na području općine Vareš, Izvještaj dostavi OV kao jednu tačku dnevnog reda, ali sa podtačkama za svaku mjesnu zajednicu posebno. **U toku realizacije.**

5. Zadužuje se Služba za opću upravu, društvene djelatnosti i BiZ da sve sugestije iznesene u raspravi, uvrste u Informaciju o realizaciji Strategije razvoja omladinske politike na području općine Vareš za period 2019-2024. za 2021. godinu i da se takva Informacija na znanje dostavi Vijeću u materijalu za slijedeću sjednicu OV. **Realizovano.**

6. Zadužuje se služba za opću upravu, društvene djelatnosti i BiZ da se na osnovu rasprave u kojoj su iznesene greške i ispravke, iste realizuju, a iznesene sugestije uvrste u Informaciju o provođenju Strategije razvoja kulture, turizma i sporta na području općine Vareš za period 2019.-2024. za 2021 god. i da se takva Informacija na znanje dostavi Vijeću u materijalu za slijedeću sjednicu OV. **Realizovano.**

7. Zadužuje se služba za opću upravu, društvene djelatnosti i BiZ da pristupi izmjenama i dopunama sve tri strategije koje su bile na dnevnom redu 17. sjednice OV do kraja godine i iste dostavi Vijeću na razmatranje.

a.) Strategija razvoja omladinske politike na području općine Vareš za period 2019.-2024. godine.

b.) Strategija razvoja kulture, turizma i sporta na području općine Vareš za period 2019.-2024. godine.

c.) Strategija razvoja i unapređenja socijalne zaštite na području općine Vareš za period 2019.-2024. godine. **Realizovano**

18. sjednica od 28.07.2022

Inicijativa

1. Igor Hinger

Želio bih da pokrenem Inicijativu za formiranje Vijeća mladih na području općine Vareš. (Inicijativa podnesena usmenim putem) **U toku realizacije.**

2. Amela Brkić

Podnosim Inicijativu da se izvrši neophodna rekonstrukcija-sanacija (djelomična) dječjeg igrališta koje se nalazi u centru našeg grada. Da li postoji mogućnost da se u naredna dva

mjeseca popravi, sanira i uklone opasni predmeti na „konstrukciji“ Ijuljačke? (Inicijativa podnesena usmenim putem)

U toku realizacije..

Zaključci:

1. U skladu sa članom 119. stav 3. Poslovnika o radu Općinskog vijeća Vareš, Vijeće vraća Prijedlog Odluke o utvrđivanju površina za parkiranje motornih vozila ovlaštenom predlagачu, odnosno Službi za prostorno uređenje na dopunu.

Upustva za dopunu mogu naći u materijalu OV (tonskim zapisima) odnosno od 10. sjednice OV održane 30.11. 2021. godine pa sve do dana današnjeg.

Prijedlog Odluke dostaviti Vijeću na razmatranje u roku od 90 dana. **U toku realizacije.**

2. Razmatrajući Zahtjev za davanje uputa br.02/3-2069/22 od 18.07. 2022. godine dostavljen od Službe za prostorno uređenje, a koji se odnosi na Odluku o davanju u zakup stanova Općine Vareš i Odluku o izmjenama i dopunama Odluke o bezbjednosti saobraćaja na cestama, OV predlaže da se samo pristupi realizaciji Programa rada. **U toku realizacija.**

3. Zadužuje se Općinski načelnik i nadležne Službe da organizuju sastanak sa JKP d.o.o. Vareš do 19. sjednice OV Vareš, a u vezi iznalaženja rješenja problematike (otklanjanje nedostataka koji su neophodni za provedbu Odluke o povjeravanju na upravljanje i korištenje vodovoda pitke vode Pogar Javnom komunalnom preduzeću d.o.o. Vareš br.01-154/22 od 30.06. 2022. godine). Ukoliko se ne iznađe rješenje, tražimo da se Vijeću dostavi kompletna dokumentacija što znači Zapisnik o primopredaji vodovoda kao objekta JKP, tehničku dokumentaciju, Elaborat o zaštitnoj vodozoni, građevinske dozvole, urbanističke dozvole, vodne dozvole i svu ostalu prateću dokumentaciju kojom bi gore navedena Odluka bila provodiva što podrazumijeva i problematiku sekundarne mreže. **Realizovano.**

4. Zadužuje se Općinski načelnik i Služba za privredu, finansije i trezor da se u roku od 15 dana očituju po dopisu Župnog ureda Sv. Mihovila akandela-Vareš broj 90/2022. od 19.07. 2022. godine, u vezi rada NIGHT CLUB KONOBA Vareš. Očitovanje po dopisu, Vijeće će dostaviti Župnom uredu. **Realizovano.**

5. Općinsko vijeće Vareš traži od Kantonalne uprave za inspeksijske poslove ZDK da u što kraćem roku donese rješenje u vezi odlaganja komunalnog otpada na ilegalnoj deponiji na području općine Breza od strane JP „Komunalno“ d.o.o. Breza, koja se nalazi uz regionalnu cestu Breza-Vareš.

Ukoliko se navedeni problem ne riješi u nekom razumnom roku (do kraja tekuće godine) i Općinsko vijeće Vareš ne dobije Zapisnik na uvid o provedenim aktivnostima na rješavanju ovog problema, Vijeće će onda tražiti zaštitu i rješenje ovog pitanja kod većih instanci vlasti.

Općinsko vijeće Vareš traži od Kantonalnog tužilaštva ZDK da se uključi u rješavanje problema u vezi odlaganja komunalnog otpada na ilegalnoj deponiji na području općine Breza od strane JP „Komunalno“ d.o.o. Breza, koja se nalazi uz regionalnu cestu Breza-Vareš.

Ovaj Zaključak stupa na snagu danom donošenja. **U toku realizacije.**

1. vanredna sjednica od 29.08. 2022. godine

Inicijativa

1. Mahira Brkić

Inicijativa za izgradnju svjetlosne signalizacije (semafora) u ulici Put mira. **U toku realizacije.**

Zaključci

1. Zadužuje se Komisija za izbor u regulirane organe, da odmah pristupi oglašavanju i provođenju postupka za imenovanje predsjednika i članova skupština JP „Vareš-stan“ d.o.o. i JP „Veterinarska stanica“ d.o.o. Vareš, predsjednika i članova Upravnog odbora JU „Dom zdravlja „Vareš. **Realizovano.**

2. Zadužuje se Služba za prostorno uređenje da za 19. redovnu sjednicu OV pripremi Odluku na osnovu usvojene Inicijative za izgradnju svjetlosne saobraćajne signalizacije (semafora) od 30.06. 2022. godine. **U toku realizacije.**

19. sjednica od 27.10. 2022

Inicijativa

Mirnes Ajanović

1. Inicijativa se odnosi na formiranje ambulante na MZ Budoželje.
(Inicijativa podnesena pisanim putem) **U toku realizacije.**

Zaključci:

1. Usvaja se Strategija razvoja lokalnih cesta i ulica u gradu i naseljima za period od 2022.-2032. godine sa svim sugestijama koje su iznesene na 19. sjednici OV koja je održana 27.10. 2022. godine (ceste, ulice, gradske ulice, naselja koja se nalaze u Odluci o kategorizaciji, da se iste ulice uvrste u Strategiju razvoja lokalnih cesta i ulica u gradu i naseljima za period 2022.-2032. godine sa ispravkama odnosno sa trenutnim stanjem.

Zadužuje se Služba za prostorno uređenje da pismenim putem upozna Vijeće na slijedećoj sjednici OV o izmjenama koje su uvrštene u Strategiju razvoja lokalnih cesta i ulica u gradu i naseljima za period 2022.-2032. godine. **Realizovano**

2. Da slijedeći Izvještaji o realizaciji Programa rada OV sadrže podatke o realizovanim ili nerealizovanim Zaključcima i Inicijativama koji su iz prethodne godine. **Realizovano**

3. Vijeće traži od Općinskog načelnika informaciju koju će dobiti od nadležnih službi, da se o svakoj nerealizovanoj tački iz Programa rada OV, dostavi obrazloženje zašto nije realizovano i koji je krajnji rok realizacije. Informaciju dostaviti do naredne sjednice OV . **Realizovano**

4. Odobravaju se novčana sredstva u iznosu od 5.000,00 KM Kokorović Ivici iz Vareš Majdana u svrhu liječenja kćerke Kokorović Jelene. **Realizovano**

5. Općinsko vijeće Vareš traži od Kantonalne direkcije za ceste da hitno pristupi sanaciji mosta na regionalnoj cesti R 444 u naseljenoj mjestu Pajtov Han prije skretanja za MZ Striježevo, općina Vareš. Sanaciju je potrebno izvršiti prije zimskog perioda, jer je narušena bezbjednost saobraćaja za sve učesnike. **U toku realizacije.**

20. sjednica od 30.11. 2022

Inicijativa

Šaban Ibrišimović

1. Inicijativa se odnosi na prekategoriizaciju regionalne ceste R 444 Podlugovi–Breza–Vareš–Podkamensko i dionice regionalne ceste R 467 Podkamensko–Ribnica u magistralnu cestu. (Inicijativa podnesena pisanim putem) **U toku realizacije.**

Zaključci:

1. Prihvata se Nacrt proračuna/budžeta Općine Vareš za 2023. godinu. Nacrt proračuna/budžeta Općine Vareš za 2023. godinu iz tačke 1. ovog Zaključka upućuje se na javnu raspravu u trajanju od 15 dana. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje. Sastavni dio prijedloga bit će i Izvještaj o provedenoj raspravi. Ovaj Zaključak stupa na snagu danom donošenja. **Realizovano**

2. Prihvata se Nacrt Odluke o izvršenju proračuna/budžeta Općine Vareš za 2023. godinu. Nacrt Odluke o izvršenju proračuna/ budžeta Općine Vareš za 2023. godinu iz tačke 1. ovog Zaključka upućuje se na javnu raspravu u trajanju od 15 dana. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje. Sastavni dio prijedloga bit će i Izvještaj o provedenoj raspravi. Ovaj Zaključak stupa na snagu danom donošenja. **Realizovano**

3. Općinsko vijeće podržava prijedloge Općinskog načelnika da se o Programu rekonstrukcije izgradnje i obnove lokalnih cesta za period 2022. do 2026. godine, broj 02-1956/22 od 11.11. 2022. godine Općinsko vijeće izjasni na slijedećoj sjednici i da se pripremi novi Program rekonstrukcije izgradnje i obnove lokalnih cesta za period 2022. do 2026. uz sve primjedbe i sugestije iznesene na 20. sjednici OV i da se na istoj sjednici paralelno razmatra i godišnji Program rekonstrukcije izgradnje i obnove lokalnih cesta za 2023. godinu. **Realizovano**

4. Općinsko vijeće zadužuje Kolegij OV da na narednoj sjednici Kolegija OV predloži Komisiju koja će biti zadužena za postupak i procedure vezane za jedan zajednički spomenik svim civilnim žrtvama rata Općine Vareš. Da vijećnica Sahudina Beganović dostavi listu kopetentnih lica iz raznih Udruženja, prijedloge za članove Komisije mogu predložiti i vijećnici OV Vareš. **Realizacija u toku**

21. sjednica od 28.12. 2022

Inicijativa *Igor Hinger*

1. Inicijativa se odnosi na izgradnju, rekonstrukciju i prenamjenu objekta Kino u Centar za mlade a upućena je Načelniku i nadležnim općinskim službama.
(Inicijativa podnesena pisanim putem) **Realizacija u toku.**